



# Պարույր Սևակ

## Միանգամից

Ասում են, թե միանգամից կյանքում ոչի՛նչ չի կատարվում.  
Միանգամից ո՛չ մի կարպետ և ո՛չ մի գորգ չի պատրուվում,  
Միանգամից բերդ չի շինվում ու չի քանդվում միանգամից,  
Միանգամից ձյուն չի գալիս և չի փչում անգամ քամին:  
Մի՛րգ չի հասնում միանգամից, ո՛ր մնաց թե՛ խելոքանան,  
Չո՛ւյգ չեն կազմում միանգամից, ո՛ր մնաց թե՛ երեքանան:  
Միանգամից չեն կշտանում և չեն զգում ջրի կարիք,  
Ո՛չ այսօրն է անցյալ դառնում, ո՛չ էլ վաղն է դառնում գալիք:  
Այս ամենը ճիշտ է, հարկա՛վ,  
չենց այսպես է, ինչպես որ կա:  
Սակայն եթե իմ կյանքի մեջ գեթ հարցնեին մի՛ անգամ ինձ,  
Թե ես ի՞նչ եմ գերադասում,  
Ի՞նչ եմ ուզում  
Ու երագում,  
Ես կասեի.  
-Ինչ լինում է՝ թող որ լինի միանգամի՛ց...

28.I.1962թ.

Երևան